

PWYLLGOR YR AMGYLCHEDD, CYNLLUNIO A THRAFNIDIAETH

Dyddiad: Dydd Mercher 17 Ebrill 2002

Amser: 2.00 hyd 4.00 pm

Lleoliad: Ystafell Bwyllgora 2, Adeilad y Cynulliad Cenedlaethol

RHAGLEN WAITH 2002-03**Pwrpas**

1. Gwahodd y Pwyllgor i gytuno ar:
 - rhaglen waith strategol ar gyfer 2002-03;
 - rhaglen waith fanwl ar gyfer tymor yr haf.

Cefndir

2. Mae RhS 9.9 yn ei gwneud yn ofynnol i bwyllgorau pwnc gynnal rhaglenni gwaith treigl dros gyfnodau o 12 mis o leiaf, ac i adrodd i'r cyfarfod llawn o bryd i'w gilydd ar gynnydd. Mae Panel y Cadeiryddion wedi cytuno y bydd adroddiadau cynnydd a blaenraglenni gwaith blynyddol y pwyllgorau pwnc yn cael eu cyflwyno i'r cyfarfod llawn ym mis Mai, ond na fydd dadl arnynt.

Rhaglen Waith Strategol

3. Cytunodd y Pwyllgor ar raglen waith strategol drafft ar gyfer 2002-03 trwy ohebiaeth ym mis Ionawr a gwahoddwyd sylwadau gan y pwyllgorau pwnc eraill a'r Cabinet. Ni chafwyd sylwadau wrth y pwyllgorau pwnc eraill. Roedd y Cabinet yn fodlon â'r rhaglen waith drafft. Amgaeir drafft terfynol o'r **rhaglen strategol yn Atodiad A.**

- **Gwahoddir y Pwyllgor i gytuno ar ddrafft terfynol y rhaglen waith strategol a atodir.**

Rhaglen Waith Fanwl

4. Mae'r **rhaglen waith fanwl** a gynigir ar gyfer tymor yr haf i'w gweld yn **Atodiad B.** Fel trefniant cyfamserol, mae amser y Pwyllgor wedi ei neilltuo i ddilyn ymchwiliad Nantygwyddon a'r adolygiad o bolisi trafndiaeth gyhoeddus, i ystyried prif ddatblygiadau polisi a deddfwriaeth y Gweinidog y gofynnodd y Pwyllgor am gael ymgynghori arnynt, archwilio cyrff nodedig, ac ystyried blaenoriaethau'r gyllideb. Felly bach iawn o amser fydd ar gael yn y cyfarfodydd ffurfiol ar gyfer adolygu polisïau, ond mae yna ddau slot ar gyfer cyfarfodydd anffurfiol yn ystod y tymor.

5. Mae'r Pwyllgor wedi nodi ei fwriad i adolygu pwnc/pynciau o'r meysydd polisi a ddilyn: bioamrywiaeth, gwastraff ymbelydrol (ac o bosib gwastraff peryglus yn gyffredinol), a llosgi gwastraff. Gwahoddir Aelodau i fynegi pa destun y dylid ei ystyried nesaf.

- **Gwahoddir y Pwyllgor i gytuno ar destun yr adolygiad polisi nesaf.**

6. Oherwydd y pwysau ar amser y Pwyllgor y tymor hwn, gwahoddir Aelodau i fynegi sut hoffent fwrw ymlaen â'r adolygiad:

- rhyddhau amser y tymor hwn trwy gyfyngu'r amser a roddir i ddatblygiadau polisi a deddfwriaeth y Gweinidog (h.y. nodi'r meysydd nad ydynt am eu hystyried); neu
 - cytuno ar gylch gorchwyl y tymor hwn, galw am dystiolaeth dros doriad yr haf, a neilltuo mwyafrif y sesiynau yn nhymor yr hydref i drafod yr adolygiad.
- **Gwahoddir y Pwyllgor i gytuno ar amseriad yr adolygiad polisi nesaf.**
 - **Gwahoddir y Pwyllgor i gytuno ar raglen waith fanwl ar gyfer tymor yr haf.**

Argymhelliad

7. Gwahoddir y Pwyllgor i gytuno ar y rhaglenni gwaith strategol a manwl a amgaeir, a phenderfynu'n derfynol ar destun ac amseriad yr adolygiad polisi nesaf.

Ysgrifenyddiaeth y Pwyllgor

Ebrill 2002

ATODIAD A

PWYLLGOR YR AMGYLCHEDD, CYNLLUNIO A THRAFNIDIAETH

BLAENRAGLEN WAITH STRATEGOL [DRAFFT TERFYNOL]

Mis Mai 2002 tan fis Mai 2003

Cyflwyniad

1. Mae'r rhaglen waith hon yn amlinellu blaenoriaethau strategol y Pwyllgor rhwng mis Mai 2002 ac etholiadau nesaf y Cynulliad a gynhelir ym mis Mai 2003. Amgaeir rhaglen waith fanwl ar gyfer y cyfnod o fis Mai tan fis Gorffennaf 2002.

Cylch gwaith a chyfrifoldebau

2. Mae ein cylch gwaith yn adlewyrchu porffolio'r Gweinidog dros yr Amgylchedd, Sue Essex, ac y mae'n cynnwys: diogelu'r amgylchedd; materion cefn gwlad; cynllunio; trafnidiaeth; datblygu cynaliadwy; a henebion ac adeiladau rhestredig a hanesyddol.

3. Nodir cyfrifoldebau'r pwyllgorau pwnc yn Rheol Sefydlog 9.

Nodau

4. Rydym yn ceisio arwain yn y meysydd canlynol: rheoli'r amgylchedd yn gynaliadwy; datblygu sy'n parchu'r amgylchedd ac sy'n cynnal cymunedau lleol; system drafnidiaeth gynaliadwy ac integredig; a threftadaeth Cymru.

Blaenoriaethau

5. Gan fod gennym gylch gwaith mor eang, rydym wedi datblygu dull strategol o fwrw ati â'n gwaith. Mae ein blaenoriaethau am y flwyddyn i ddod fel a ganlyn:

- *Datblygu polisi* (Rheol Sefydlog 9.7(i)) – bydd y Pwyllgor yn canolbwyntio ar y meysydd datblygu polisi y gall effeithio fwyaf arnynt, a bydd yn ceisio ategu'r polisiâu y mae'r Gweinidog wrthi'n eu datblygu yn hytrach na'u dyblygu. Yn ystod y flwyddyn i ddod, mae'r Pwyllgor yn bwriadu adolygu'r meysydd polisi canlynol:
 - Bioamrywiaeth
 - Gwastraff ymbelydrol (ac efallai gwastraff peryglus yn gyffredinol)
 - Llosgi gwastraff
- *Craffu ar waith y Gweinidog* (Rheol Sefydlog 9.7(ii)) – bydd y Gweinidog dros yr Amgylchedd yn adrodd i ni yn rheolaidd ar ddatblygiadau cyfredol o fewn y portffolio. Unwaith y flwyddyn, byddwn yn craffu ar berfformiad y Gweinidog yn erbyn targedau, ac efallai yn cynnal sesiynau craffu thematig o bryd i'w gilydd. Rydym hefyd yn bwriadu craffu ar y modd y cyflawnir y Cynllun Gweithredu Datblygu Cynaliadwy.
- *Craffu ar gyrff a noddir gan y Cynulliad* (Rheol Sefydlog 9.7 (iii)) – byddwn yn cynnal sesiwn flynyddol yn ystod tymor yr haf i graffu ar waith Cyngor Cefn Gwlad Cymru, Asiantaeth yr Amgylchedd a Pharciau Cenedlaethol Cymru, a byddwn yn rhoi sylwadau ar eu rhaglenni gwaith ar gyfer y dyfodol. Byddwn hefyd yn craffu'n flynyddol ar waith Cadw: Welsh Historic Monuments yn ystod tymor y gwanwyn, pan fyddwn hefyd yn rhoi sylwadau ar Gynllun Corfforaethol drafft Cadw. Byddwn yn parhau i gynghori ar adolygiadau pum mlynedd y cyrff a noddir gan y Cynulliad a Cadw, ar yr adegau perthnasol.
- *Eitemau eraill* (Rheol Sefydlog 9.8) – bydd y Pwyllgor hefyd yn ystyried yr eitemau canlynol wrth iddynt godi:

- *deddfwriaeth arfaethedig sy'n effeithio ar Gymru* (Rheolau Sefydlog 9.8(i) a 22) – bob tymor bydd y Gweinidog yn amlinellu'r is-ddeddfwriaeth arfaethedig er mwyn i'r Pwyllgor allu nodi'r meysydd yr hoffai ddarparu cyngor arnynt. Ar ôl i'r Cynulliad Cenedlaethol ystyried araith y Frenhines, bydd y Pwyllgor yn ystyried unrhyw ddeddfwriaeth sylfaenol ddrafft a gyfeiriwyd ato gan y Cyfarfod Llawn. Bydd y Pwyllgor hefyd yn ystyried is-ddeddfwriaeth ddrafft a gyfeiriwyd ato gan y Pwyllgor Busnes, fel sy'n briodol;
- *cynigion ar gyfer dyrannu cyllideb y Cynulliad* (Rheol Sefydlog 9.8 (ii)) – bydd y Pwyllgor yn mynd ati yn ystod tymor yr haf i nodi ei flaenoriaethau o ran dyrannu'r gyllideb a bydd yn gwneud sylwadau ar y gyllideb ddrafft yn ystod tymor yr hydref;
- *cwynion* (Rheolau Sefydlog 9.8(iii) ac 21) - bydd y Pwyllgor yn ystyried unrhyw gwynion a gyfeiriwyd ato;
- *penodiadau cyhoeddus* (Rheolau Sefydlog 9.8(iv) ac 20) – bydd y ddau a enwebwyd gan y Pwyllgor yn cymryd rhan yn y broses o benodi pobl i swyddi gyda chyrff cyhoeddus pan ddaw'r swyddi'n wag;
- *unrhyw faterion eraill a gyfeiriwyd ato gan y Cynulliad* (Rheol Sefydlog 9.8 (v)) – bydd y Pwyllgor yn ystyried materion eraill a gyfeiriwyd ato gan y Cynulliad Cenedlaethol, ond hoffai ofyn i'r Aelodau ymgynghori â Chadeirydd y Pwyllgor cyn cyflwyno cynigion sy'n gwahodd y cyfarfod llawn i gyfeirio gwaith at y Pwyllgor.

Pwyllgor yr Amgylchedd, Cynllunio a Thrafnidiaeth

Mis Mai 2002

ATODIAD B

PWYLLGOR YR AMGYLCHEDD, CYNLLUNIO A THRAFNIDIAETH

RHAGLEN WAITH FANWL [DRAFFT] – TYMOR YR HAF 2002

Cyfarfod	Rhif Eitem	Eitemau ar yr Agenda

Dydd Mercher 17 Ebrill 2.00 – 4.00 pm	1	Ymddiheuriadau a dirprwyon
	2	Adroddiad gan y Gweinidog dros yr Amgylchedd
	3	Adroddiad blynyddol ddrafft
	4	Rhaglen Waith
	5	Cofnodion y cyfarfod diwethaf

Dydd Mercher 1 Mai 2.00 – 5.00 pm	1	Ymddiheuriadau a dirprwyon
	2	Is-ddeddfwriaeth: edrych tua'r dyfodol
	3	[Adolygiad polisi: cylch gorchwyl drafft]
	4	[Glas Cymru: adolygiad perfformiad ac edrych i'r dyfodol]
	5	Cofnodion y cyfarfod diwethaf

Dydd Iau 9 Mai 2.00 - 5.00 pm Slot ar gyfer sesiwn anffurfiol neu, gyda chaniatâd y Pwyllgor Busnes, gyfarfod ffurfiol		[Ymweliad gan Bwyllgor Datblygu Rhanbarthol Gogledd Iwerddon]
--	--	---

Dydd Mercher 15 Mai 2.00 – 5.00 pm Cyfarfod yn rhywle heblaw'r Cynulliad (Blaenafon)	1	Ymddiheuriadau a dirprwyon
	2	Adroddiad gan y Gweinidog dros yr Amgylchedd (i gynnwys strategaeth cerdded a beicio)
	3	Drafft o Gyfarwyddyd Statudol i Asiantaeth yr Amgylchedd
	4	Adolygiad pum-mlynedd Cadw: adroddiad interim drafft
	5	Drafft o Gyfarwyddyd ar Gynlluniau Gwella Hawliau Tramwy o dan y Ddeddf CROW
	6	Cofnodion y cyfarfod diwethaf

Dydd Mercher 29 Mai 2.00 – 5.00 pm	1	Ymddiheuriadau a dirprwyon
	2	Nantygwyddon: adolygiad o'r broses (adborth)
	3	Cynllun Gofodol Cymru
	4	Iechyd a'r System Gynllunio
	5	[Trafodaeth gychwynnol ar flaenoriaethau'r gyllideb]
	6	Cofnodion y cyfarfod diwethaf

Toriad y Sulgwyn: 3 – 7 Mehefin 2002

Dydd Mercher 19 Mehefin 2.00 – 5.00 pm	1	Ymddiheuriadau a dirprwyon
	2	Adroddiad gan y Gweinidog dros yr Amgylchedd
	3	[Trafodaeth derfynol ar flaenoriaethau'r gyllideb]
	4	Adolygiad polisi trafnidiaeth gyhoeddus: adroddiad ar gynnydd gan y Gweinidog dros yr Amgylchedd
	5	Cynllunio: cyflawni dros Gymru a Rhwymedigaethau Cynllunio – adrodd yn ôl ar yr ymgynghoriad
	6	

Dydd Mercher 3 Gorffennaf 2.00 – 5.00 pm	1	ASPBs – sesiwn archwilio ar gynigion/Cynlluniau Corfforaethol drafft
---	---	--

Dydd Iau 11 Gorffennaf 2.00 – 5.00 pm Slot ar gyfer sesiwn anffurfiol neu, gyda chaniatâd y Pwyllgor Busnes, gyfarfod ffurfiol		[Adolygiad polisi]
--	--	--------------------

Dydd Mercher 17 Gorffennaf 2.00 – 5.00 pm	1	Ymddiheuriadau a dirprwyon
	2	Adroddiad gan y Gweinidog dros yr Amgylchedd
	3	Nantygwyddon: adroddiad ar gynnydd gan y Gweinidog dros yr Amgylchedd
	4	Cynllunio: cyflawni dros Gymru – ffordd ymlaen
	5	
	6	

7

[Strategaeth Trafnidiaeth Cymunedol]

8

[Adolygiad polisi]

Cofnodion y cyfarfod diwethaf

Toriad yr Haf: 22 Gorffennaf – 11 Hydref 2002

EITEMAU I'W CYNWYS:

Deddfwriaeth

- Mesur Diogelwch y DU (wedi'i gyfeirio'n ôl o'r cyfarfod llawn)
- Is-ddeddfwriaeth ddrafft (fel y bo'n briodol)

Eraill

- Diweddariad gan yr Awdurdod Rheilffyrdd Strategol

Ysgrifenyddiaeth y Pwyllgor

Ebrill 2002